



Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine, broj: 49/06 i 51/09), člana 38. i člana 116. Statuta Grada Cazin („Službene novine Grada Cazin“, broj: 4/21) i člana 12. Pravilnika o kriterijima, načinu i postupku raspodjele sredstava iz budžeta Grada Cazina u svrhu subvencioniranja privatnih preduzeća i poduzetnika u cilju razvoja privrede, Gradonačelnik raspisuje

**JAVNI POZIV
za subvencioniranje mikro i malih biznisa
sredstvima budžeta Grada Cazin**

1. PREDMET JAVNOG POZIVA

Predmet Javnog poziva je dodjela sredstava Budžeta Grada Cazina za realizaciju Programa subvencioniranja biznisa za 2024. godinu.

2. KRATAK OPIS PROGRAMA SA CILJEVIMA PROGRAMA

Cilj Programa subvencioniranja biznisa je održavanje pozitivnog trenda poduzetničke aktivnosti s aspekta povećanja broja novoosnovanih subjekata malog gospodarstva, jačanja njihove održivosti i povećanja zaposlenih lica, a sve sa svrhom razvoja privrede.

3. CILJNI KORISNICI

U ciljne korisnike subvencioniranja spadaju nezaposleni građani i privredni subjekti, koji su:

- a) nezaposlenim građanima koji nisu imali pa odjavili neku od poslovnih djelatnosti u toku 2024. godine ili članovi njihove uže porodice, koji su zainteresirani za pokretanje vlastitog biznisa u Gradu Cazinu, a radi se o biznisima koji su po strukturi Klasifikacije djelatnosti BiH 2010 svrstani u najmanje jednu od slijedećih područja odnosno u najmanje jednu od slijedećih oblasti:
 - područje C - Prerađivačka industrija,
 - iz područja F Oblast 43 -Specijalizirane građevinske djelatnosti,
 - iz područja I -56.21 Djelatnosti keteringa,
 - iz područja N Grane: 81.2 Djelatnosti čišćenja, 81.3 Uslužne djelatnosti uređenja i održavanja zelenih površina,
 - iz područja S: Grana 95.2 Popravak predmeta za ličnu upotrebu i domaćinstvo,
- b) privrednim subjektima čiji osnivači/vlasnici nisu imali pa odjavili neki od biznisa u toku 2023. ili 2024. godine ili članovi njihove uže porodice, a radi se o privrednim subjektima koji su osnovani u toku 2023. ili 2024. godine sa sjedištem u Gradu Cazinu, te koji su po strukturi KD BiH 2010 svrstani u najmanje jednu od slijedećih područja odnosno u najmanje jednu od slijedećih oblasti:
 - područje C - Prerađivačka industrija,
 - iz područja F Oblast 43 -Specijalizirane građevinske djelatnosti,
 - iz područja I -56.21 Djelatnosti keteringa,
 - iz područja N Grane: 81.2 Djelatnosti čišćenja, 81.3 Uslužne djelatnosti uređenja i održavanja zelenih površina,
 - iz područja S: Grana 95.2 Popravak predmeta za ličnu upotrebu i domaćinstvo.

Sredstva po ovom Pravilniku mogu se dodijeliti samo biznisima i privrednim subjektima iz stava 1. ovog člana ako svoje poslovanje obavljaju kao osnovnu djelatnost.

4. UVJETI ZA UČEŠĆE NA JAVNOM POZIVU KOJE APLIKANT MORA ZADOVOLJITI

- a) Za postojeće privredne subjekte su:
- da je privredni subjekat registriran u toku 2023. ili 2024. godine,
 - da ima sjedište u Gradu Cazinu,
 - da je osnivač/vlasnik državljanin BiH,
 - da osnivač/vlasnik privrednog subjekta ili njegov uži član porodice nije imao pa odjavio neku poslovnu djelatnost u 2023. ili 2024. godini.
- b) Za nezaposlene građane koji žele pokrenuti novi biznis-start up:
- da je aplikant nezaposleno lice,
 - da je aplikant državljanin BiH,
 - da je predmet aplikacije osnivanje poslovne djelatnosti u Gradu Cazinu,
 - da aplikant ili njegov uži član porodice nije imao pa odjavio neku od poslovnih djelatnosti u toku 2023. ili 2024. godine.

5. NAMJENSKA SREDSTVA

Sredstva iz Javnog poziva su planirana kao subvencija za nabavku nove opreme (mašina, alata i sl.) i/ili novog repromaterijala potrebnih za odvijanje djelatnosti.

6. IZNOS PREDVIĐENIH SREDSTAVA ZA SUBVENCIONIRANJE

Ukupan iznos sredstava za subvencioniranje iznosi 100.000,00 KM (slovima: stotinu hiljada KM) i usmjeren je na sufinansiranje troškova nove opreme i/ili novog repromaterijala koji su potrebni za obavljanje registrovane djelatnosti, odnosno djelatnosti koju će registrovati uz podršku subvencioniranih sredstava u iznosu do 100% od vrijednosti nabavke, s tim da je maksimalni iznos sufinansiranja 5.000,00 KM, a minimalni 1.000,00 KM. Grad Cazin će sredstava za subvencioniranje dodjeljivati u vidu državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 200.000 EUR u tri uzastopne fiskalne godine shodno članom 2. stav (1) tačka c) Zakona o sistemu državne pomoći u Bosni i Hercegovini ("Službeni glasnik BiH" broj 10/12).

Iz sredstava za subvencioniranje se neće finansirati administrativni troškovi. Neprihvatljivi su troškovi nabavke vozila, troškovi leasinga opreme, kao i troškovi bankovnih garancija vezanih za nabavku opreme. U slučaju da korisnik sredstava iz opravdanih razloga ne bude mogao nabaviti opremu i/ili repromaterijal koja je navedena u prijavi, dozvoliti će mu se nabavka i sufinansiranje druge opreme i/ili repromaterijala koja je potrebna za obavljanje registrovane djelatnosti, pod uslovom da je u skladu sa ostvarenom ocjenom kriterija nabavke nove opreme i/ili novog repromaterijala.

Iz sredstava poticaja neće se finansirati troškovi koji su nastali prije odabira korisnika i potpisivanja ugovora sa istim.

7. PRIJAVA NA JAVNI POZIV I POTREBNA DOKUMENTACIJA

Podnosioci prijave na ovaj Javni poziv mogu biti postojeći privredni subjekti koji zadovoljavaju uvjete iz tačke 4. stav a), ili nezaposlena lica koja zadovoljavaju uvjete iz tačke 4. stav b) ovog Javnog poziva.

Prijava na javni poziv mora sadržavati :

1. Popunjen prijavni obrazac u formatu koji je sastavni dio javnog poziva,
2. Popunjen biznis plan u formatu koji je sastavni dio javnog poziva,
3. Obavezna dokumentacija (ovisi o vrsti aplikanta)

Obaveznu dokumentaciju za postojećeg privrednog subjekta čine:

1. Kopija registracije privrednog subjekta
 - Sudsko rješenje o registraciji preduzeća (za pravna lica),
 - Rješenje o registraciji od nadležnog organa (za fizička lica),
2. Uvjerenje o poreznoj registraciji privrednog subjekta (ID broj),
3. Obavijest o razvrstavanju privrednog subjekta prema djelatnosti,
4. Prijava osiguranja osnivača/vlasnika u privrednom subjektu,
5. Uvjerenje o državljanstvu osnivača/vlasnika privrednog subjekta,
6. Izjava da osnivač/vlasnik privrednog subjekta ili njegov uži član porodice nije imao pa odjavio neku od poslovnih djelatnosti u 2023. ili 2024. godini,
7. Predračun/specifikacija ili drugi dokument za nabavku nove opreme i/ili novog repromaterijala koji je predmet plaćanja;

Obaveznu dokumentaciju za nezaposlene građane koji tek pokreću biznis-start up:

1. Uvjerenje o državljanstvu aplikanta,
2. Dokaz da je aplikant nezaposleno lice (potvrda/uvjerenje iz Porezne uprave ili Biro-a rada),
3. Izjava da aplikant ili njegov uži član porodice nije imao pa odjavio neku od poslovnih djelatnosti u 2023. ili 2024. godini,
4. Predračun/specifikacija ili drugi dokument za nabavku nove opreme i/ili novog repromaterijala koji je predmet plaćanja;

Obrasci trebaju biti pravilno popunjeni što znači da su popunjena sva polja, da su jasna i čitka.

8. OCJENJIVANJE PRIJAVA

Da bi bile ocjenjene i rangirane prijave moraju:

- biti podnešene u zadanom roku, datom formatu i popunjene sa svim traženim podacima,
- sadržavati svu obaveznu dokumentaciju,
- aplikanti moraju zadovoljiti uvjete sudjelovanja u javnom pozivu iz člana 13. ovog Pravilnika.

Sve prijave koje zadovolje gore navedeno će biti ocjenjene i rangirane u skladu sa slijedećim kriterijima:

	Kriteriji	Bodovi	Maksimalan broj bodova
1	Predloženi projekat je jasan, logičan i relevantan u odnosu na očekivane rezultate	0-5	5
2	Vrsta djelatnosti: - proizvodna - ostale djelatnosti	10 5	10
3	Aplikant za poticaje je nezaposleno lice koje pokreće poslovnu djelatnost start-up	7	7

4	Vlasnik/osnivač privrednog subjekta ili aplikant koji aplicira za poticaje je žena ili mlađa osoba (do 35 godina) Napomena: kriterij se utvrđuje na dan objave javnog poziva NE DA	0 8	8
5	Realizacija projektnog prijedloga će omogućiti podnosiocu prijave nabavku: –Nove opreme, mašina i/ili alata –Nove opreme, mašina i/ili alata (veći dio sredstava se koristi za ovu namjenu) i repromaterijala –Nove opreme, mašina i/ili alata i repromaterijala(veći dio sredstava se koristi za ovu namjenu)	10 7 5	10
UKUPNO:			40

Ocjenu i rangiranje prijava na Javni poziv obaviti će Komisija za odabir biznisa koju imenuje Gradonačelnik.

Iz postupaka dodjele finansijskih sredstava po Javnom pozivu će biti isključen svaki član komisije za odabir biznisa ukoliko se utvrdi da je u sukobu interesa u odnosu na podnosiocima prijave, a podnosioci prijave imaju mogućnost prijaviti sumnju na postojanje sukoba interesa. Nepostojanje sukoba interesa znači da član komisije koji sudjeluje u odabiru biznisa nema lično, kao ni članovi njegove porodice (bračni ili izvanbračni drug, dijete ili roditelj), bilo kakav materijalni ili nematerijalni interes u odnosu na podnosiocima prijave.

Prijava sumnje na postojanje sukoba interesa se podnosi Suadu Rošiću, Pomoćniku gradonačelnika pri Službi za privredu i razvoj, koji je od strane Gradonačelnika zadužen za nadzor nad provođenjem Plana integriteta Jedinственog gradskog organa uprave grada Cazin u skladu sa Odlukom o usvajanju i provođenju Plana integriteta u Jedinственom gradskom organu uprave grada Cazin broj: 01/GN-04-2395/22 od 28.09.2023. godine. Po svakoj prijavi sumnje na postojanje sukoba interesa Grad Cazin će odlučivati pojedinačno. U slučaju nastanka okolnosti koje narušavaju ili bi mogle narušiti objektivnost i nepristranost ili ugroziti načelo izbjegavanja sukoba interesa član komisije dužan je lično zatražiti izuzeće ili će ga se Rješenjem Gradonačelnika izuzeti iz članstva komisije. Svi članovi komisije potpisom Izjave o nepristranosti i povjerljivosti potvrđuju da nisu u sukobu interesa u odnosu na podnosiocima prijave, a davanje lažne izjave može podlijegati disciplinskoj, materijalnoj i kaznenoj odgovornosti.

Nakon ocjenjivanja prijava u skladu sa navedenim kriterijima, utvrđuje se rang lista prijava u skladu sa ostvarenim brojem bodova i donosi odluka o raspodjeli sredstava. Odluka o raspodjeli sredstava će biti objavljena na oglasnoj tabli i službenoj web stranici Grada Cazin najkasnije u roku od 20 dana nakon isteka roka za podnošenje prijava.

Konačni odabir prijava koje će se financirati iz poticajnih sredstava će biti zasnovan na poretку rang liste i raspoloživim sredstvima.

9. OBAVEZA KORISNIKA

Svi korisnici sredstava za subvenciju biznisa dužni su:

- redovito (u skladu sa dinamikom koja će biti definisana u Ugovoru) izvještava Grad Cazin o realizaciji projektnih aktivnosti,
- da pravovremeno obavijesti Grad Cazin o mogućim problemima u realizaciji projekta,
- aplikanti koji su aplicirali za podršku u osnovanju novog privrednog subjekta su obavezni završiti proces registracije mora biti završen u 2024. godini
- prava i obaveze kako korisnika tako i Grada Cazina će biti detaljno definisana u Ugovoru o dodjeli sredstava.

10. DINAMIKA REALIZACIJE JAVNOG POZIVA

Javni poziv traje 15 (petnaest) dana od dana objavljivanja Javnog poziva na službenoj web stranici Grada Cazina.

Grad Cazin će u toku trajanja Javnog poziva osigurati informativnu radionicu i edukaciju za sve zainteresirane u pogledu popune obrasca aplikacije i odgovoriti na sva dodatna pitanja. Termin edukacije će biti objavljen na službenoj web stranici Grada i oglasnoj tabli Grada Cazina.

Za dodatne informacije aplikanti se mogu obratiti isključivo do 5 dana prije zatvaranja konkursa, i to radnim danom od 08:00 do 14:00 sati, putem kontakt telefona: +387 (0) 37 515 391 ili lično kod kontakt osobe: Zemire Sejdinović. Kontakt osoba može aplikantu dati usmene ili pismene odgovore za tražene informacije ili pojašnjenja javnog poziva.

11. NAČIN PODNOŠENJA PRIJAVE

Rok za podnošenje prijava 15 (petnaest) dana od dana objavljivanja Javnog poziva na službenoj web stranici Grada Cazina.

Prijave sa prijavnim obrascem, biznis planom i svom potrebnom dokumentacijom propisanom javnim pozivom dostavljaju se u zatvorenoj koverti preporučenom poštom ili lično na protokol Grada Cazina (šalter broj 1.) na slijedeću adresu:

Grad Cazin

**Trg Prvog predsjednika Predsjedništva RBiH Alije Izetbegovića bb,
77220 Cazin**

Sa naznakom: „Prijava na Javni poziv za subvencioniranje mikro i malih biznisa sredstvima budžeta Grada Cazina“

NE OTVARATI

Prijave dostavljene drugim putem, kao i neblagovremene i nekompletne prijave se neće razmatrati.

Prilog ovom Javnom pozivu je:

- Prijavni obrazac za finansiranje biznisa (Prilog 1)
- Obrazac poslovnog plana (Prilog 2)

Na web stranici Grada Cazina: <https://gradcazin.gov.ba/> su dostupni Javni poziv sa Prilogom 1, Prilogom 2 i Izjava o primljenim de minimis pomoćima i drugim državnim pomoćima.

Obrađivač: Suad Rošić

Služba za privredu i razvoj

DOSTAVLJENO:

1. Web stranica
2. Oglasna ploča
3. Mediji
4. Evidencija
5. a/a

Broj: 01/GN-11-2733/24

Dana: 24.07.2024

